

„humiliate ergo omnes capita vestra!“ et gratias rependamus Providentiæ divinæ, quod populus noster ejusmodi erroribus peregrinus, non indigeat reflexione desuper, eo minus refutatione.

Attamen monita ad Vos, qui constituti estis Custodes Israel, dirigitur S. Pauli I. Cor. XIII. 14. „Vigilate, state in fide, viriliter agite et confortamini: Omnia vestra in charitate fiant.“ Induamur ergo (II. ad Cor. X. 4.) „arma militiæ nostræ, potentia Deo ad destructionem munitioem... consilia destruentes et omnem altitudinem extollentem se adversus scientiam Dei et in captivitatem redigentes omnem intellectum in obsequium Christi et in promptu habentes ulcisci omnem inobedientiam, cum impleta fuerit vestra obedientia.“

Hunc in modum dimicantes, exhibebitis Vos morigeros Ecclesiæ Catholicæ filios ac strenuos Christi milites... contra spiritus tenebrarum et mendaciorum omnis generis, qui filios mundi sub thessera **libertatis, culturae, civilisationis, progressus...** lumen fidei, donum libertatis filiorum Dei, pacem regni Christi e medio tollere, nec non deceptos in abyssum tenebrarum, servitutis et aridæ spei novi paganismi præcipites agere non cessant. Fortes animo simus, quando propriis oculis cernimus impleri continuo prophetiam in Psalmo II. contentam et a nobis ferme quotidie in memoriam revocatam, tenoris: „Quare fremuerunt gentes et populi meditati sunt inania?“ Deest enim ipsis **timor Domini**, quia „initium sapientiæ est timor Domini.“ Ps. CX. 10. quia carent fide in benedictionem divinam ad condendum firmum, conservandumque prosperum Regnum civile, cujus necessitas exprimitur hisce sacris eloquiis „Nisi Dominus custodierit civitatem, frustra vigilat, qui custodit eam.“ Ps. 126 aut: „Sine me nihil potestis facere.“ XV. 5.

Præterea „astiterunt reges terræ et principes convenerunt in unum: adversus Dominum et adversus Christum ejus“ dicentes „dirumpamus vincula eorum“ (Domini et Christi) „et projiciamus a nobis jugum ipsorum.“ At „qui habitat in cœlis, irridebit eos: et Dominus subsannabit eos. Tunc loquetur ad eos in ira sua, et in furore suo conturbabit eos... beati omnes, qui confidunt in eo.“

Inter cunctas has procellas et turbines, quibus navis Petri et Ecclesiæ continuo in omnes partes jactatur, fortiter ultro confidamus promissioni Magistri Nostri: Et portae inferi non praevallebunt adversus eam. Math. XVI. 18. et non desperantes clamemus ad Salvatorem: Domine salva nos! impera ventis, ut sedaretur mare. Extollamus manus ad Patrem luminum et misericordiarum, ut pulsa tenebrarum nocte, omnes in luce fidei ambulemus.

De Jubilæo, cujus gratia Nobis ad mensem integrum clargitur et m. Majo vel Junio a. c. in Diœcesi hujate celebrabitur, praeulo post Ordinatio adæquata subsequetur.

E Praesidio Episcopali,
Josephus Alojsius,
Episcopus Tarnoviensis,
Tarnoviae die 9. Feb. 1865.
JOANNES FIGWER, Cancellarius.